



Lög Körfuknattleikssambands Íslands

I. Heiti og tilgangur

1. gr. - Heiti og staðsetning

Körfuknattleikssamband Íslands (KKÍ) er samband héraðssambanda og íþróttabandalaga þeirra félaga innan ÍSÍ, sem iðka og keppa í körfuknattleik. Aðsetur og varnarþing sambandsins skal vera í Reykjavík.

Merki KKÍ er mynd- og orðmerki sem sýnir körfubolta með skammstöfunina KKÍ og er kominn hálfa leið gegnum gjörð. Bókstafirnir eru hvítir með bláum ramma á appelsínugulum bolta með bláum ramma. Gjörðin og netið sem úr henni hangir er blá.

Fáni KKÍ er hvítur með merki KKÍ fyrir miðju. Heiti sambandsins kemur fyrir ofan merkið. Fyrir neðan merkið er stofndagsetning KKÍ rituð.

2. gr. – Hlutverk og tilgangur KKÍ

KKÍ er æðsti aðili körfuknattleiksmála á Íslandi. Hlutverk sambandsins er í meginatriðum:

- að hafa yfirstjórn allra íslenskra körfuknattleiksmála;
- að vinna að eflingu körfuknattleiks á Íslandi;
- að vera fulltrúi Íslands í Alþjóðakörfuknattleikssambandinu (FIBA);
- að setja íslenskum körfubolta lög og reglur og sjá til þess að þeim verði fylgt;
- að standa fyrir körfuknattleiksmótum á Íslandi;
- að koma fram erlendis fyrir hönd körfubolta á Íslandi; og
- að tefla fram landsliðum í alþjóðlegri keppni.

3. gr. - Hlutleysi

KKÍ starfar að öllu leyti sjálfstætt og er hlutlaust varðandi stjórnmal og trúarbrögð. KKÍ skal gæta jafnræðis og jafnréttis í hvívetna. Allir skulu vera jafnir fyrir lögum og reglugerðum sambandsins án tillits til kynferðis, kynhneigðar, trúarbragða, skoðana, þjóðernisuppruna, kynþáttar, litarháttar, efnahags, ætternis og stöðu að öðru leyti.

4. gr. – Jafnræði

KKÍ skal gæta samræmis við reglur og ákvarðanir ÍSÍ og FIBA. Reglur og ákvarðanir KKÍ eru bindandi fyrir sambandsaðila KKÍ, hvort heldur félög, leikmenn, þjálfara, forystumenn og aðra þá sem eru innan vébanda aðildarfélaga KKÍ.



5. gr. – Vald KKÍ og FIBA

KKÍ og aðildarfélög þess skulu hlíta valdi FIBA vegna skipulagningar leikja og móta landsliða og félagsliða á alþjóðlegum vettvangi. KKÍ og aðildarfélög þess skulu ekki vera þátttakendur í leikjum eða mótum á alþjóðlegum vettvangi án samþykkis FIBA. KKÍ skal vera bundið af ákvörðunum FIBA um alþjóðlega landsleikjadaga.

II. Aðild að KKÍ

6. gr. – Réttur til aðildar

Öll félög innan ÍSÍ er iðka og keppa í körfuknattleik eru aðilar að KKÍ.

7. gr. – Réttindi og skyldur aðildarféлага

Sérhvert aðildarfélag skal hafa rétt til þátttöku í skipulögðum mótum á vegum KKÍ, enda uppfylli það þátttökuskilyrði samkvæmt lögum þessum og reglugerðum KKÍ.

Aðildarfélagi er skylt að virða lög, reglugerðir, reglur og ákvarðanir sem settar eru eða teknar af KKÍ eða FIBA.

Félagi, sem tekur þátt í mótum á vegum KKÍ, ber að sjá til þess að leikmenn, þjálfarar, dómarmenn og forystumenn innan vébanda félagsins virði lög, reglugerðir, reglur og ákvarðanir KKÍ og FIBA.

Félagi, sem tekur þátt í mótum á vegum KKÍ, er í hvívetna skylt að virða ákvarðanir stjórnar KKÍ, nefnda KKÍ og dómstóla innan íþróttahreyfingarinnar.

Aðildarfélag skal senda KKÍ upplýsingar um stjórnir félaganna á hverjum tíma innan viku frá því að breyting á sér stað.

Aðildarfélög KKÍ eru bókhaldsskyld og ársreikningaskyld samkvæmt gildandi lögum um bókhald og lögum um ársreikninga. Reikningsár aðildarféлага skal vera almanaksárið.

Aðildarfélag skuldbindur sig til að vinna að því að efla heilbrigðan íþróttanda, vinna gegn lyfjamisnotkun, vinna gegn hvers konar mismunum á grundvelli trúarskoðana, kynferðis, kynhneigðar, stjórnmálaskoðana, þjóðernis eða af öðrum ástæðum.

Sérhvert aðildarfélag skal bera ábyrgð á framkomu leikmanna, forráðamanna, félagsmanna og stuðningsmanna sinna og allra þeirra sem hafa hlutverki að gegna á vegum þess vegna ámælisverðrar eða óásættanlegrar framkomu þessara aðila innan vébanda KKÍ, og getur sætt viðurlögum sem nánar er kveðið á um í lögum þessum og reglugerðum KKÍ.

Aðildarfélag skuldbindur sig til að vinna gegn ólöglegri veðmálastarfsemi og hagræðingu úrslita leikja. Aðilum sem falla undir lög þessi og taka þátt í körfuknattleikjum á vegum KKÍ er óheimilt að taka þátt í veðmálastarfsemi, með beinum eða óbeinum hætti, í tengslum við eigin leiki og eigin mót. Bann þetta



tekur einnig til miðlunar upplýsinga í þeim tilgangi að hafa áhrif á veðmál og fela í sér fjárhagslegan ávinning.

III. Skipulag KKÍ

8. gr. – Stjórnkerfi KKÍ

Málefnum KKÍ stjórna:

- Körfuknattleiksþing sem fer með æðsta vald á málefnum KKÍ og setur lög.
- Stjórn KKÍ sem fer með æðsta vald í málefnum KKÍ á milli körfuknattleiksþinga.
- Fastanefndir KKÍ sem vinna samkvæmt lögum og reglugerðum sambandsins.
- Sérstakar nefndir sem skipaðar eru og starfa að afmörkuðum málefnum.
- Framkvæmdastjóri KKÍ innan ramma 20.gr. þessara laga

9. gr. – Dómstig

Dómstig KKÍ eru:

- Aga- og úrskurðarnefnd KKÍ.
- Áfrýjunardómstóll KKÍ.

IV. Körfuknattleiksþing

10. gr. – Boðun körfuknattleiksþings, frestir og þingleg málefni

Körfuknattleiksþing skal halda eigi síðar en 31.maí annað hvert ár. Stjórn KKÍ ákveður þingstað og þingtíma.

Boða skal til þingsins bréflega eða með öðrum sannanlegum hætti með minnst sex (6) vikna fyrirvara. Málefni, sem sambandsaðilar óska að tekin verði fyrir á þinginu, skulu tilkynnt stjórn KKÍ minnst fjórum (4) vikum fyrir þing. Skal KKÍ senda laganefnd erindi til yfirferðar og mats á hvort tillögur mæti formaskilyrðum til þinglegrar afgreiðslu. Þá skal stjórn KKÍ kynna sambandsaðilum dagskrá þingsins ásamt ársskýrslu stjórnar í síðasta lagi tveimur vikum fyrir þing.

Öll málefni sem senda þarf sambandsaðilum vegna Körfuknattleiksþings skal senda með rafrænum hætti.

Körfuknattleiksþing er lögmaett ef löglega hefur verið til þess boðað.



11. gr. – Réttur til þingsetu

Þingið sitja fulltrúar frá þeim aðilum sem mynda KKÍ.

Fulltrúafjöldi þeirra ákvarðast af þátttöku félaga í Íslandsmóti á því keppnistímabili sem Körfuknattleiksþing er haldið sem hér segir:

- a) Fyrir félag, sem spilar í úrvalsdeild karla eða 1. deild karla komi 1 fulltrúi
- b) Fyrir félag, sem spilar í úrvalsdeild kvenna eða 1. deild kvenna komi 1 fulltrúi
- c) Fyrir félag, sem spilar í 2. eða 3. deild karla og/eða kvenna komi 1 fulltrúi
- d) Fyrir félag sem skráir yngriflokka komi 1 fulltrúi
- e) Fyrir félag sem skráir 10 eða fleiri yngriflokka kemur 1 fulltrúi til viðbótar (2 fulltrúar fyrir yngriflokka)

Hámarksfjöldi fulltrúa hvers aðildarfélags er fjórir (4).

Aðildarfélög sem eru í skuld við KKÍ viku fyrir upphaf þings, missa atkvæðarétt á þingi. KKÍ skal tilkynna þeim félögum eigi síðar en þremur vikum fyrir þing að félagið fái ekki kjörbréf nema eldri skuldir séu gerðar upp. Kjörnefnd ber að ganga úr skugga um að þessu ákvæði sé framfylgt.

Heimilt er að Körfuknattleiksþing sé pappírslaut sé unnt að koma því við.

12. gr. – Kjörnefnd og Kjörbréf

Á körfuknattleiksþingi og milli þinga skal vera starfandi 3ja manna kjörnefnd, sem fer með það hlutverk að fara yfir framkomin kjörbréf sem borist hafa fyrir körfuknattleiksþing. Allir þingfulltrúar skulu hafa kjörbréf og hafa fulltrúar atkvæðisrétt samkvæmt kjörbréfum. Aðeins sá, sem skráður er á kjörbréf, sem staðfest hefur verið af formanni aðildarfélags eða meirihluta stjórnar þess, er kjörgengur fulltrúi þess á körfuknattleiksþingi og fer með atkvæðisrétt. Hver þingfulltrúi fer aðeins með eitt atkvæð. Ekki er heimilt að greiða atkvæði samkvæmt umboði eða bréfleiðis.

Kjörnefnd kveður upp álit sitt á framkomnum kjörbréfum á körfuknattleiksþingi og upplýsir um fjölda þingfulltrúa hverju sinni. Kjörnefnd annast móttöku framboða til stjórnar KKÍ og gætir þess að frambjóðendur og aðrir einstaklingar sem bjóða sig fram til starfa innan KKÍ uppfylli starfsskilyrði í íþróttahreyfingunni skv. lögum þessum og lögum ÍSÍ

Kjörbréf skulu send til aðildarfélaga þremur (3) vikum fyrir þing og skulu aðildarfélög skila inn kjörbréfum útfylltum til skrifstofu KKÍ viku fyrir þing.

Félögum er heimilt að skila kjörbréfum með rafrænum hætti.

Kjörnir fulltrúar í stjórn KKÍ geta ekki farið með atkvæðisrétt á körfuknattleiksþingi.



Auk þeirra eiga rétt á þingsetu og hafa þar málfrelsi og tillögurétt:

- a) Stjórn og starfsmenn KKÍ
- b) Endurskoðendur KKÍ
- c) Framkvæmdastjórn ÍSÍ
- d) Framkvæmdastjórar KKÍ og ÍSÍ
- e) Allir nefndarmenn fastanefnda KKÍ
- f) Dómarar dómstóla áfrýjunardómstóls KKÍ
- g) Fulltrúi ráðherra íþróttamála
- h) Einn fulltrúi Körfuknattleiksdómarafélags Íslands
- i) Einn fulltrúi Körfuknattleiksbjálfarafélags Íslands
- j) Einn fulltrúi stjórnar hvers héraðssambands þar sem körfuknattleikur er iðkaður
- k) Fyrrverandi formenn KKÍ

Auk þess getur stjórn KKÍ boðið aðilum þingsetu ef hún telur ástæðu til og veitt þeim heimild til að ávarpa þingið

13. gr. – Dagskrá Körfuknattleikspings

Dagskrá Körfuknattleikspings skal vera:

1. Þingsetning og staðfesting á lögmæti þingsins í samræmi við lög þessi.
2. Kosning starfsmanna:
 - a) Kosning fyrsta og annars þingforseta.
 - b) Kosning fyrsta og annars þingritara.
3. Fráfarandi stjórn gefur skýrslu
4. Álit kjörnefndar og það samþykkt
5. Ávörp gesta
6. Gjaldkeri leggur fram endurskoðaða reikninga sambandsins til samþykktar.
7. Umræður um skýrslu stjórnar og reikninga, skýrslan og reikningar lagðir undir samþykki
8. Tillögur um breytingar á lögum teknar til afgreiðslu.
9. Tillögur um önnur mál sem borist hafa til stjórnarinnar teknar til afgreiðslu
10. Önnur mál.
11. Kosning formanns, fjórða hvert ár.
12. Kosning meðstjórnenda skv. b. lið 17. greinar.
13. Kosning sex manna í aga- og úrskurðarnefnd KKÍ.
14. Kosning þriggja manna í Áfrýjunardómstól KKÍ og þriggja til vara.
15. Kosning þriggja manna í kjörnefnd
16. Kosning tveggja endurskoðenda.
17. Kosning fulltrúa á Íþróttaping.
18. Þingforseta og þingritara falið að ganga frá þinggerð.
19. Þingslit.

Allir aðilar eru kosnir til tveggja ára, nema stjórn KKÍ til fjögurra ára í senn.



Ársskýrslu KKÍ, sem stjórnin skal leggja fyrir þingið, og þinggerð skal senda framkvæmdastjórn ÍSÍ og sambandsaðilum KKÍ innan tveggja mánaða frá þingslitum.

14. gr. – Atkvæðagreiðsla

Einfaldur meirihluti atkvæða ræður úrslitum mála á Körfuknattleiksþingi, nema um lagabreytingar sé að ræða þá þarf 2/3 hluta greiddra atkvæða. Atkvæði eru greidd með handauppréttingu. Ef ¼ hluti þingfulltrúa óska eftir skriflegri atkvæðagreiðslu skal þingforseti verða við ósk þeirra.

Þingið getur með 2/3 hluta atkvæða viðstaddra fulltrúa leyft að taka fyrir mál sem komið er fram eftir að dagskrá þingsins var send sambandsaðilum.

Við kosningu í stjórn, nefndir og dómstóla KKÍ skal einfaldur meirihluti ráða. Fáir þeir sem um er kosið jafnmörg atkvæði skal kjósa um þá á ný bundinni kosningu. Verði þeir enn jafnir, ræður hlutkesti.

Allar kosningar á Körfuknattleiksþingi í stjórn, nefndir og dómstóla eru leynilegar og skriflegar nema frambjóðendur séu jafn margir og kjósa skal. Kosning skal vera bundin við þá sem gefa kost á sér og er atkvæði aðeins gilt ef kjósandi kys jafnmarga og kjósa skal.

Ákvarðanir Körfuknattleiksþings skulu taka gildi þegar í stað nema annað sé ákveðið. Stjórn KKÍ skal ljúka gerð og birtingu nýrra reglugerða eða breytinga á reglugerðum, sem körfuknattleiksþing samþykkir, innan fjögurra vikna frá þingi.

15. gr. – Aukaþing

Kalla skal til aukaþings ef nauðsyn krefur að mati stjórnar KKÍ eða helmingur sambandsaðila óskar þess skriflega við stjórn KKÍ.

Alla boðunar- og tilkynningafresti til aukaþings skal hafa helmingi styttri en til reglulegs þings. Fulltrúafjöldi hvers aðildarfélags skal vera sá sami og á næsta körfuknattleiksþingi á undan. Kjörnefnd skal senda ný kjörbréf til aðildarfélaga samkvæmt nánari ákvæðum gr. 11. Á aukaþingi má ekki gera laga- eða leikreglnabreytingar og ekki kjósa stjórn nema bráðabirgðastjórn, ef helmingur kjörinnar stjórnar hefur sagt af sér eða hætt störfum af öðrum orsökum, eða stjórnin að eigin dómi orðin óstarfhæf. Að öðru leyti gilda um aukaþing sömu reglur og um reglulegt körfuknattleiksþing.



V. Stjórn KKÍ

16. gr. – Skipulag stjórnar KKÍ

Stjórn KKÍ skal skipuð tíu mönnum að formanni meðtöldum. Stjórn KKÍ fer með æðsta vald í málefnum sambandsins milli þinga. Falli atkvæði jöfn við atkvæðagreiðslu innan stjórnar gildir atkvæði formanns tvöfalt.

Stjórnin skiptir með sér verkum að tillögu formanns. Skipa skal fyrsta og annan varaformann úr hópi stjórnarmanna, ásamt gjaldkera. Formaður KKÍ boðar stjórnarfundi og annast fundarstjórn. Fundir stjórnar KKÍ skulu haldnir eigi sjaldnar en annan hvern mánuð. Óski minnst þrír stjórnarmenn eftir stjórnarfundi skal til hans boðað eigi síðar en sjö dögum eftir að ósk þar að lútandi hefur verið borin fram.

Þeir sem hyggjast gefa kost á sér til setu í stjórn KKÍ skulu tilkynna það til kjörnefndar KKÍ eigi síðar en þremur vikum fyrir Körfuknattleiksping. Berist ekki framboð fyrir þann tíma skal kjörnefnd hlutast til um tilnefningu aðila til stjórnarkjörs á ársþingi.

Stjórn KKÍ skal ráða framkvæmdastjóra. Framkvæmdastjóri má ekki jafnframt sitja í stjórn sambandsins.

Stjórn sambandsins er ekki heimilt að reikna sér, endurskoðendum, skoðunarmönnum, trúnaðarmönnum úr hópi félagsmanna, framkvæmdastjórum eða öðrum sem fara með stjórnunarstörf hærra endurgjald fyrir störf hjá sambandinu en venjulegt er eftir eðli og umfangi starfanna.

Reikningsár KKÍ skal vera almanaksárið.

17. gr. – Kosning til stjórnar KKÍ

Stjórn KKÍ er kosin á körfuknattleikspingi og hafa allir kjörnir þingfulltrúar atkvæðisrétt, sbr. 13. gr. Kosning skal fara þannig fram:

- a. Kosning formanns, til tveggja ára í senn eða á hverju körfuknattleikspingi.
- b. Kosning níu fulltrúa í stjórn. Fjórir fulltrúar skulu kosnir annað hvert körfuknattleiksping (fjórða hvert ár) og fimm fulltrúar annað hvert körfuknattleiksping (fjórða hvert ár). Hver fulltrúi skal kosinn til fjögurra ára í senn.

Þeir sem bjóða sig fram til setu í stjórn KKÍ skulu vera lögráða, fjár síns ráðandi og mega ekki á síðustu þremur árum hafa hlotið dóm fyrir refsiverðan verknað samkvæmt almennum hegningarlögum eða lögum um hlutafélög, einkahlutafélög, bókhald, ársreikninga eða skattalögum. Óheimilt er að velja einstaklinga sem vitað er til að hafi hlotið refsidóma vegna brota á ákvæðum XXII. kafla (kynferðisbrot) almennra hegningarlaga nr. 19/1940 til starfa innan íþróttahreyfingarinnar.

Kosningar eru leynilegar og skriflegar nema frambjóðendur séu jafn margir og kjósa skal. Kosning skal vera bundin við þá sem gefa kost á sér og er atkvæði aðeins gilt, ef kosnir eru jafnmargir og kjósa á.



Til þess að ná kjöri sem formaður KKÍ, þarf meirihluta greiddra atkvæða. Náist ekki meirihluti við fyrstu kosningu, skal kjósa á ný, bundinni kosningu, um þá tvo frambjóðendur, sem flest atkvæði hlutu. Ræður þá einfaldur meirihluti atkvæða. Verði þeir jafnir skal kjósa á ný með sama hætti og verði þeir enn jafnir, ræður hlutkesti.

18. gr. – Starfssvið stjórnar KKÍ

Stjórn KKÍ fer með málefni körfuknattleikssambandsins og skal annast um að skipulag þess og starfsemi sé jafnan í góðu horfi. Undir starfssvið stjórnar KKÍ fellur meðal annars eftirfarandi:

1. Að framkvæma ályktanir körfuknattleiksþingsins.
2. Að bera ábyrgð á fjármálum KKÍ.
3. Að vinna að eflingu körfuknattleiks í landinu.
4. Að ráða framkvæmdastjóra til að annast daglegan rekstur og setja honum starfslýsingu, Að setja nauðsynlegar reglur og reglugerðir um körfuknattleiksmál á Íslandi. Að hafa eftirlit með, að leikreglur og reglugerðir fyrir körfuknattleik séu jafnan í nauðsynlegu samræmi við alþjóðareglur. Að taka ákvarðanir um veitingu heiðursmerkja og viðurkenninga. Að senda framkvæmdastjórn ÍSÍ lögboðnar skýrslur. Að líta eftir því að lög og reglur KKÍ séu haldnar. Að hafa yfirumsjón með körfuknattleiksmótum. Að samþykkja alþjóðamót, sem haldin eru á Íslandi þegar það á við Að samþykkja þátttöku íslenskra körfuknattleikslíða í alþjóðamótum erlendis þegar það á við Að velja körfuknattleiksmann og körfuknattleikskonu ársins.
5. Að skipa fastanefndir og aðrar nefndir KKÍ, aðrar en þær sem kjörnar eru beinni kosningu á körfuknattleiksþingi.
6. Að koma fram innanlands og erlendis fyrir hönd körfuknattleikshreyfingarinnar í landinu.
7. Að ákveða þáttökugjöld fyrir hvert tímabil.
8. Að skera úr um ágreining eða taka ákvarðanir um málefni sem lög þessi og/eða reglugerðir KKÍ ná ekki yfir.

Stjórn og/eða framkvæmdastjóri KKÍ líta eftir því að lög og reglugerðir KKÍ og leikreglur séu haldin og geta vísað brotum aðila til aga- og úrskurðarnefndar KKÍ. Í sérstökum tilfellum þegar lög þessi eða reglugerðir KKÍ eru ekki fullnægjandi geta þau tekið til skoðunar sjálfstætt brot aðila og beitt viðurlögum er getur í lögum þessum eða öðrum reglum KKÍ.

Stjórn KKÍ og allir þeir sem fram koma á vegum KKÍ skulu fara eftir þeim lögum og reglugerðum sem gilda á hverjum tíma.

Stjórn KKÍ er heimilt að banna körfuknattleiksviðburði sem fara fram á sama tíma og stórleikir á vegum sambandsins.

Stjórn KKÍ hefur frjálstan aðgang að öllum körfuknattleiksmótum og sýningum, sem fram fara innan vébanda KKÍ.



19. gr. – Formaður KKÍ

Formaður KKÍ er, ásamt framkvæmdastjóra, málsvari sambandsins og ber ásamt stjórn ábyrgð á framkvæmd stefnumála, stefnumótunar og samþykktar ársþings. Formaðurinn skal kappkosta að ávallt séu sem best tengsl og samstarf milli sambandsins og aðildarfélaga.

Formaður KKÍ annast samskipti við körfuknattleikssambönd annarra ríkja og álfusambönd. Hann kemur fram fyrir hönd KKÍ á alþjóðavettvangi og gagnvart FIBA ásamt framkvæmdastjóra.

Formaður KKÍ ber ábyrgð á samskiptum sambandsins við ríki, sveitarfélög, önnur sérsambönd og ÍSí.

20. grein – Framkvæmdastjóri KKÍ

Framkvæmdastjóri KKÍ er ráðinn af stjórn samkvæmt ráðningarsamningi með viðeigandi starfslýsingu. Framkvæmdastjóri ber ábyrgð á daglegum rekstri sambandsins og að framfylgja stefnu stjórnar. Framkvæmdastjóri skal hafa prókúru fyrir sambandið og ræður starfsfólk, ber ábyrgð á starfslýsingum þeirra og er yfirmaður þeirra sem ráðnir eru til sambandsins.

Framkvæmdastjóri KKÍ annast samskipti við körfuknattleikssambönd annarra ríkja og álfusambönd. Hann kemur fram fyrir hönd KKÍ á alþjóðavettvangi og gagnvart FIBA ásamt formanni.

Daglegur rekstur tekur ekki til ráðstafana sem eru óvenjulegar eða mikils háttar. Slíkar ráðstafanir getur framkvæmdastjóri aðeins gert samkvæmt sérstakri heimild frá stjórn. Allar meiriháttar skuldbindingar af hálfu KKÍ skulu samþykktar af meirihluta stjórnar. Framkvæmdastjóri KKÍ getur vísað brotum aðila á lögum KKÍ, reglugerðum KKÍ og leikreglum til aga- og úrskurðarnefndar KKÍ.

21. gr. - Reglugerðir

Stjórn KKÍ setur nauðsynlegar reglugerðir um þau málefni, sem snúa að allri framkvæmd laga þessara. Nær það til allra breytinga á gildandi reglugerðum sem og setningu nýrra reglugerða. Allar reglugerðir skulu vera aðgengilegar og birtar á vefsíðu KKÍ.

Nýjar reglugerðir og breytingar á gildandi reglugerðum skulu kynntar aðildarfélögum með rafrænum hætti og taka þær gildi samkvæmt ákvörðun stjórnar KKÍ. Ekki þarf að birta þær með sérstökum hætti svo þær öðlist gildi heldur er nægjanlegt að þær séu kynntar með rafrænum hætti og birtar á vef KKÍ.

Óski aðildarfélög eftir setningu nýrra reglugerða eða breytinga á gildandi reglugerðum skal slíkum óskum beint til stjórnar KKÍ.



VI. Nefndir KKÍ

22. gr. – Fastanefndir

Stjórn KKÍ skal strax að loknu körfuknattleiksþingi skipa eftirtaldar nefndir:

1. Mótanefnd
2. Dómaranefnd
3. Afreksnefnd
4. Fjárhagsnefnd
5. Fræðslunefnd
6. Siðanefnd
7. Laganefnd

Hver nefnd skal skipuð þremur mönnum, nema annað sé ákveðið í reglugerð. Stjórn KKÍ skal setja hverri nefnd reglugerð þar sem greint er frá hlutverki hvernar nefndar, starfssviði og verkefnum.

Stjórn KKÍ skal setja öllum nefndum skipunarbréf. Í upphafi starfsárs skulu nefndir gera starfsáætlun og skal hún lögð fyrir stjórn KKÍ til staðfestingar. Nefndir KKÍ hafa ekki sjálfstæðan fjárhag nema stjórn KKÍ ákveði annað í skipunarbréfi. Stjórn KKÍ skal boða formenn nefnda og fulltrúa dómara eða þjálfara á stjórnarfund þegar þurfa þykir.

Formaður fastanefndar skal vera stjórnarmaður KKÍ. Formaður fastanefndar boðar til funda og stýrir þeim. Hver nefnd skal setja sér starfsreglur sem stjórn KKÍ staðfestir.

Stjórn KKÍ skal gæta þess að í nefndum á vegum sambandsins séu skipaðir aðilar af báðum kynjum.

VII. Formannafundur

23. gr. – Formannafundur

Öll aðildarfélög KKÍ eiga rétt á að tilnefna einn fulltrúa á formannafund KKÍ. Þar eiga einnig sæti stjórnarmenn og starfsmenn KKÍ. Formannafundur er vettvangur umræðu um körfuknattleiksmál. Hann er stjórn KKÍ einnig ráðgefandi um lausn ýmissa mála, sem koma upp milli körfuknattleiksþinga. Stjórn KKÍ skal að leggja endurskoðaða ársreikninga og fjárhagsáætlun KKÍ fyrir formannafund það ár sem körfuknattleiksþing er ekki haldið. Stjórn KKÍ skal kynna og bera upp nýja gjaldskrá vegna kostnaðar við dómara þegar það á við.

Aðildarfélög, sem eru í skuld við KKÍ við upphaf formannafundar, missir atkvæðarétt á fundinum. Stjórn KKÍ ber að ganga úr skugga um, að þessu ákvæði sé framfylgt.

Formannafundur skal boðaður minnst einu sinni á keppnistímabili. Formaður KKÍ boðar til fundar og stjórnar honum. Boðað skal til fundar með minnst einnar viku fyrirvara.



VIII. Aga- og úrskurðarnefnd

24. gr. – Aga- og úrskurðarnefnd

Aga- og úrskurðarnefnd KKÍ, sem er fyrsta dómstig KKÍ, skal skipuð formanni og tveimur varaformönnum, sem skulu allir löglærðir, og auk þeirra þremur mönnum. Skulu þeir kosnir á körfuknattleikspingi til tveggja ára í senn.

Nefndin starfar skv. reglugerð um aga- og úrskurðarnefnd og skulu a. m. k. þrír taka þátt í ákvörðun nefndarinnar og skal a. m. k. einn þeirra vera formaður eða varaformaður.

Nefndin getur tekið ákvörðun um viðurlög skv. lögum þessum, reglugerðum KKÍ og aga- og úrskurðarreglum KKÍ gegn aðildarfélögum, forráðamönnum, leikmönnum, þjálfurum, starfsmönnum og öðrum þeim, sem eru innan vébanda aðildarfélaga KKÍ.

VIII. Áfrýjunardómstóll KKÍ

25. gr. – Áfrýjunardómstóll KKÍ

Áfrýjunardómstóll KKÍ starfar skv. reglugerð KKÍ um áfrýjunardómstól. Hann skal skipaður þremur löglærðum einstaklingum og þremur löglærðum til vara.

Dómarar dómstólsins skulu kosnir á körfuknattleikspingi til setu fram að næsta körfuknattleikspingi. Dómstóllinn kys sér forseta.

Þrír dómarar skulu dæma í hverju máli og skipar forseti í dóminn hverju sinni.

26. gr. – Lögsaga

Dómstóllinn tekur fyrir áfrýjanir vegna úrskurða aga- og úrskurðarnefndar sem ekki eru endanlegir samkvæmt reglugerð KKÍ um aga- og úrskurðarnefnd.

Ákvarðanir dómstólsins eru endanlegar og bindandi fyrir málsaðila. Þó er heimilt að áfrýja til áfrýjunardómstóls ÍSí þeim málum sem hafa almennt gildi fyrir íþróttahreyfinguna í heild.

27. gr. – Nánar um aga- og úrskurðarnefnd og áfrýjunardómstól KKÍ

Aga- og úrskurðarnefnd KKÍ og áfrýjunardómstóll KKÍ hafa fullnaðarlögsögu yfir þeim málefnum sem koma upp innan vébanda KKÍ, sem varða lög og reglugerðir KKÍ eftir því sem við á.



Aga- og úrskurðarnefnd KKÍ og áfrýjunardómstóll KKÍ skulu lúta lögum þessum og reglugerðum og skulu öll ágreiningsmál gagnvart aðildarfélögum KKÍ, forráðamönnum félaganna, leikmönnum, þjálfurum, liðsstjórum og öðrum þeim sem eru innan vébanda aðildarfélaga KKÍ rekin fyrir aga- og úrskurðarnefnd KKÍ og áfrýjunardómstól KKÍ nema það sé sérstaklega heimilað í lögum eða reglugerðum KKÍ að reka málið fyrir nefndum innan KKÍ.

Ágreiningsmál aðila innan vébanda KKÍ gagnvart aðila innan vébanda erlends körfuknattleikssambands skal fara með samkvæmt reglum FIBA og hefur FIBA lögsögu í slíkum málum. Ákvarðanir FIBA í slíkum málum eru endanlegar og bindandi fyrir alla aðila en ákvörðunum FIBA er hægt að skjóta til Íþróttadómstólsins (Court of Arbitration for Sport, skammstafað CAS) í Lausanne í Sviss sem leysir þá endanlega úr ágreiningsmálinu í samræmi við reglur um gerðardómsmeðferð mála á íþróttasviði (Code of Sports-related Arbitration). Er sú niðurstaða endanleg og bindandi fyrir aðila.

X. Ýmis ákvæði

28. gr. – Aðalfundir aðildarfélaga

Aðildarfélög KKÍ skulu tilkynna skrifstofu KKÍ tímasetningu aðalfundar, sé hann haldinn, með minnst viku fyrirvara. Einnig skulu ársskýrsla og fundargerð aðalfundar send skrifstofu KKÍ.

Þegar mynduð er ný stjórn skal senda þær breytingar til KKÍ í síðasta lagi einni viku eftir að stjórn er mynduð.

29. gr. – Slit KKÍ

Tillögur um að leggja KKÍ niður má aðeins taka fyrir á lögmætu körfuknattleiksþingi. Til þess að samþykkja þá tillögu þarf minnst 3/4 hluta atkvæða. Hafi slík tillaga verið samþykkt, skal gera öllum sambandsaðilum grein fyrir henni í þingskýrslunni og tillagan síðan látin ganga til reglulegs þings. Með fulltrúakjöri sínu til þess þings taka aðilar afstöðu til tillögunnar. Verði tillagan samþykkt öðru sinni, er það fullgild ákvörðun um að leggja KKÍ niður. Ákveður það þing síðan hvernig skuli ráðstafa eignum KKÍ, en þeim má aðeins verja til eflingar körfuknattleiksíþróttinni í landinu.

30. gr. – Gildistaka

Lög þessi öðlast gildi við samþykki þeirra á körfuknattleiksþingi í mars 2025 og að lokinni staðfestingu framkvæmdastjórnar ÍSÍ og falla þá eldri lög úr gildi.

Samþykkt af körfuknattleiksþingi KKÍ 15. mars 2025.